

王文恪公集卷之四

震澤

王

鏊濟之

著

吳興

朱國禎文寧

訂

雲間

董其昌玄宰

閱

詩

內閣賞芍藥二首

藥闌正對禁城幽
詔使先春特地修
便覺恩光生葉底
旋添顏色上枝頭
僂姿不負持杯賞
勝景還須着句搜
花下幾人今日醉
日斜欲去更遲留

張席堦前對鳳池
天香還發去年枝
春歸禁地偏應早
花到今年分外奇
錦幔不收風力軟
玉盤頻具露華滋
楊州勝事何須說
黃閣今成幾卷詩

贈曹銘

銘吳人其父尚襄陵郡主因家山西

冰崖雪壑想峯奇
別後時從夢見之
鄴郡清門今尚在
襄陵遺澤亦堪思
主家畱客琅玕舊
震器驚人鸞鷟奇
八景分明侶吳下
家有八景南音何必効鐘儀

送王叅政還河南

叅政有八子其二為翰林庶吉士故冢宰李公甥也

山東富才賢諸王名久擅詩禮相君家冰玉天官倩
宅相今有徵珮刀誰所薦八鳳羽毛奇雙珠光彩眩
美濟虞廷元數比周家學聯中甲科名兩入詞垣選
秘學付青箱習書空白練陰功積已多遠近稱殆徧
剴明用柔克吏事以文緣花縣春陽仁白簡風霜面
治勢力有餘催科正甘歆至今吳興郡茗雪為君變
轉漕再臨燕分省南還汴依依非靡語草草東城餞
去矣那能忘斯文有深眷

送同年何汝玉知贛州府

瓊林宴罷歲頻更世事悠悠亦可驚
黃草峽西哦月上白蘋洲畔看潮生
直言自許能扶國循吏仍知不
近名章貢今朝人盡喜廉泉先已為君清

贈陳御醫公尚

陳之術傳
自孟氏

暑雨祁寒過我頻感君父子有深仁
外家秘訣多傳
孟今日盧醫不在秦樹近廬山唯種德人來燕谷亦
生春吳人自昔誇錢乙豈謂文中本性陳

送蘓伯誠編修僉江西憲司提學

巖生久歛承明直揚憶俄成乞外書庭內九臯傷局

趣駕前千里，範馳驅潤身。豈必文章事，妙悟多泛點。
化初懷桶棟，梁他日事。長安索米却慙予。

贈少傅徐公挽詞

文靖父

德公住襄陽，梅福逃吳市。往跡久淩湮，高風在天地。
徐公本南州，閶闔自前世。黃琬器夙成，黔婁孝天至。
三年詔獄寃，萬里儋州淚。破浪鯨不奔，開山虎旋逝。
由也能盡思，參乎真養志。孝哉閭里稱，遠近辭不二。
推財見薛包，起廢慙鄭吏。却曲變周行，淹淪免深濟。
荆溪隱在漁，把釣本無意。山風與海月，灑落見曾次。

連城蒙在璞廊廟登主器台斗司具瞻霖雨望皆慰
郊原沐渙汗石獸瞻鼎鬲哉生苦太晚不及仰光霽
宰樹封已勤生芻蕘靡致東望瑞雲山懷人涕空洒

徐太夫人挽詞

文靖母

自昔勲名地其來豈偶然天將開爾後地必賴乎前
變理歸元宰丹青憶象賢封君今不作內則古誰肩
玉潤光韜璞珠輝朗在淵梅仙隱當市冀缺饁歸田
桃李陰方茂蘋蘩薦孔虔業貧春務早勤讀夜鐙懸
豹隱文常炳鷄鳴戒獨先璧經魯口授與義有心傳

方績朝文伯遺文泣馬遷國風詩第一曲禮目三千
振迅當雲路胚胎自木天

兩朝資亮弼四海八

陶甄羸豈湏金貽廳惟可馬旋義田文正在學舍孟
家聯內閣流新寵南陽表舊阡構材存櫟斲口澤在
枉棖圖像青冥裏佳城畚畫邊獨山愁寂寂百瀆恨
濺濺已覩封如斧誰當筆侶椽他年青史上康子合
同編

招姚存道

子閒終不來我病能數往脩然共月菴清約坐成爽

一雨終疲鳴殘暑歸洗盥孤懷苦鬱陶世事多鹵莽
當時隔燕吳晤語成空想如何咫尺間還復勞企仰
小園亦何有一味涼可賞閑庭風葉鳴虛室雲月朗
觴豆非苟然形聲要重講

送存道

平生鮑叔更何人才喜相逢袂又分詩眼年來常起
我交情歲晚獨懷君禁中伴直難呼孟勝上題名久
愧蕢落木蕭蕭秋萬里江東回首見停雲

送楊應寧副使還秦中

關西夫子今誰是楊億才華少小多欲試盤根聊爾
耳未收梁棟欲何如金鑾殿畔頻年別鐵甕城邊
幾日過已向鄰封期晚歲不須重唱渭城歌

送同年袁德宏還任漢中

使君五馬西南去棧道縈紆過劍門雲起哀斜當露
冕烏啼子午識文軒政成六載書仍最節制三秦勢
孔尊多少同年霄漢上臨邛父老莫攀轅

送倪尚書之南京

整攜堂印過江東冢宰權分位望同畱守地當分陝

重為官誰在故鄉中家傳舊有尚書履保副新加
太子宫半世趨朝今少憇鍾山閑對黑頭公

送王汝使長沙

李官新許着緋袍俠節東行命豈叨共月吟盟頻
歲冷長沙歸軸幾時膏萬言書在還思賈五字詩成
好和陶南北江山歸眺覽周南大史愧如匏

種竹

小軒側畔無多地手種琅玕一兩枝相對翛然心自
足渭川千頃渡何為

和馬少卿獨居之韻

空齋脉脉坐黃昏
讀罷常編自掩門
小憇花陰成獨步
滿庭月色共誰論
老來轉覺塵心遠
夢覺唯知夜氣存
騎馬故人如見過
小奚呼酒尚能溫

偶成二首

獨步園林日幾周
閑花脉脉對人愁
翠禽並立鳴深樹
粉蝶相隨過小樓

掃地園心坐月明
粉牆踈影幾枝橫
何當携却兒和女
還向桃花樹底行

聞蛩

一聲促織破秋鳴
遠客無端意自驚
憶着年年兒女
戲彫盆相對闌輸竟

己未歲南歸至德州口占

舟發河西冰塞川
敗林枯葉總蕭然
德州楊柳青青
在南北端疑有二天

過西洞庭徐氏

早從胥口望龍從
舟入青溪曲曲通
一片湖山歸手
內萬家烟火隔雲中
范公憂莫關廊廟
楚客音還愛

土風林屋有田吾欲老豈因一水限西東

飲徐氏新樓

家住西峰第幾坳青山重疊水周遭
朝來爽氣歸吟筆歲暮輕寒著緼袍
地勢欲平湖面濶天闕空訐月輪高
十年塵土京華夢爛醉君家玉色醪

登縹緲峰

仄徑槃空艱漫艱快哉七十二孱顏
星辰可摘九天上吳粵平分一水間
日轉林梢看鳥背烟橫谷口辨人寰
居然自可小天下誰道吳中無泰山

林屋洞次傳水部韻

隔凡深處禹書存尚有神靈為守門穴底玉泉流作
永巖前壁月過留痕燕飛尚驗晴為雨龍戰猶疑數
在坤聞說遙遙天漠接胷中雲夢幾須吞

自西山歸東洞庭

西來溟色一帆孤纔見青山忽又無白借天光猶瀕
洞黑添雲氣轉糝糊人家遙指語來舊塵眼頻揩見
却初述作惜無摩詰句五湖烟景若為圖

遊吳城西諸山

天平

春風撩我作山行
畫舫西來半日程
怪石挿天歌歌墮
冷泉和月滴無聲
登臨不盡吳中勝
憂樂誰關范老情
晚立龍門最高處
始知身世與天平

南峰

石罅中間度板輿
南峰來叩故人居

君謙嘗居此

高齋閑

閑松雲外絕棧危
分鳥道餘豈謂山僧成
泄柳却疑野老是
長沮明朝地主如
相問但看芭蕉葉
上書

一雲

亂石槎枿幾折旋畏途歷盡是平川高林細點催詩
雨深屋方塘悟道泉僧為知名如舊識地疑曾到豈
前緣萬竿修竹蒼烟外欲借琅玕紀歲年

金山

石徑纔窮忽又通重重臺閣半浮空一林蒼翠瀟湘
雨萬頃青黃粃極風鈴語上方雲氣白詩題壞壁蘚
痕紅未留玉帶空歸去慙媿山僧問長公

登萬壽寺佛閣

吳城第一好山川半醉來登意豁然天際雲開雙塔